

محمد إبراهيم

تفاصيل الوحدة والنفس

ديوان بالعامية المصرية



دار دُون

محمد إبراهيم

تفاصيل الوحدة والوئس

ديوان بالعامية المصرية

دَوْن



للنشر والتوزيع

إهداء

إلى أمي.. حبي الأول
ولزوجتي العزيرة..
وصديقة عمري وحب حياتي
آية عماد الدين فؤاد

إهداء لأبويآ عشان جنبني ..
للدنيا وسابني أغطس وأقب
إهداء لأمي حبي الأول ..
عشان قلبها علمني أجب
إهداء ليكي ..

يا حبيبي
وأمي وينوتي
ده لإنك بطة حدوتي
ولإنك للعمر بداية
ولإنك طول عمرك جنبي
ولإنك بالفعل كفاية
ولإنك دايماً مهتمة
بعياني الخاصة أو العامة
ولإنك اسم علي مسمي
ببساطة عشان إسمك « آية »
ولعادل ده لإنه مراية
إهداء لمتنا احنا الخمسة
ولغنة من أول لمسة
ولجوجو ومها وأحمد اخويا
وحزومبل ولميرو وحمة

إهداء لسنين أبيض وأسود

منها اتعلمت إني ألون

إهداء لسلامة ودار دوّن

ولصحبة بسيطة وبتهوّن

تعب الأيام..

وتكون في السكة قمر وناس

إهداء ليا.. وإهداء للناس

القسم الأول
« كف الحياة »

بعد اما راحوا كلهم في النوم ..
قام هو من نومه
شايل ريمتهم حضن في هدومه
داخل اوضهم .. بس يظمن
على كل حاجة ويمشي مش قلقان
باس بنته من كفها .. ومراته من خدها
وكانه بيقولها إن الوداع قد حان
وكانه حاسس باللي هيشوفه
لمعت عينه من حزنه أو خوفه
إيه يا ترى راح يحصل الليلة
عدت سنين العمر قدامه
ومفیش في إيده لا حل ولا حيلة
ومفیش إجابة لكل أسئلته
ماسك بإيده في شنطته وشيلته
ماسك بإيده الثانية سلسلته
باصص لصورة مجمعة العيلة

الكاميرا جايبة من بعيد اتنين
واقفين حراسة من مكان عالي
شايلين سلاح آلي..
ماشين بدوريات.. متحدة بفترات
كان فيه ف كلامهم لهجة مألوفة
كان فوق وشوشهم كلهم ماسكات
المعلومات بتقول.. إن الطريق مقفول
ومفيش طريقة علشان
نتوقع أو نحسب مثلاً
إيه ممكن يحصل من أضرار

فيه أسحلة ثقيلة.. ومواد شديدة الانفجار
في وضع صعب ومشكلة كبيرة
مش سهل خالص إننا نحلها
لازم يتم الاشتباك في غضون ساعات
ويدون خسائر أو حتى بأقلها

كان الشهيد حالياً.. أو سابقاً رائد
قائد يسمع حضرة القائد
ويجمع القوات.. ويرسم الخطة

المجموعات ٦

متجمعين على قلب واحد كلهم وياك

أما الهدف..

إخلاء سبيل

كل الرهائن قبل بدء الاشتباك

بدأت مناورات من بعيد.. بين إيد وإيد

من غير ما رصاص

لكن خلاص

الطلق كان مالي المكان.. وكأنه كان

ماشي بإيقاع.. يعزف في لحن وداع أخير

كل العيون.. بتقول لبعض خلاص

"أشوف وشك بخير"

الدائرة قفلت نفسها ع الكل..

ولحد آخر نفس.. الكل إيد على إيد

داخل وأنا عسكري..

خارج واسمي شهيد



(2)

كان شخص عادي.. مش بطل يعني
مش شخص ممكن إنه يلهم حد
ولا يبقى أيقونة في حياة غيره
وكانه عايش جوه مرب حمام
دائمًا يطير مطرح ما يبطروا
إنسان روتيني الشكل والمضمون
شخص اعتيادي في هيئته وذاته
ومفيش صراع يبهدهه أو شيء
خلاه يحس بقيمة حياته
يقبض وزى ما يبقى قَبْضُهُ يعيش
يعني المهم يلاقى ملح وعيش
مش شخص يطمح للحياة الفارهة
بلكوئته حتى عبارة عن شَبَاك
مش شخص صاحب سُلطة أو أملاك
ولا حتى صاحب سيرة ذاتية
كان أب عادي في أسرة ريفية

أستاذ «فلان».. في السادسة

من كل يوم

يشيل هموم

ويروح بشيلته المدرسة

شخص اتنسى واتركن

ع الرف واتجاهلوه

ماعملش حاجة في دينه

غير إنه عاش منسي

بس أما مات حَبَّوه



(3)

كانت في البيت .. البيت كله
أربع جدران لأمين عيلة
لا اشتكى قلبها قسوة دنيا
ولا تعبت من ثقل الشيلة
كات قاعدة تفصل مستقبل
أولادها على المكنة خياطة
بتجيب للبكري فلوس درسه
ولآخر العنقود شكولاتة
الست دي كانت ببساطة
أب بقلب ابيض وحنين
أم وطبعها قاسي ولين
بتشد ساعات ويترخي ساعات
من بعد حبيب العمر ما مات
سابلها «أمانات» ..

وعيال لازم
 تكبر وتكون حاجة تشرف
 كانت في الشدة بتصرف
 وتلم القرش على الثاني
 وتحوش وتحاجي عليهم
 من غدر الدنيا وقسوتها
 الست دي مصدر قوتها
 لإنها ضهرها للعيط مكشوف
 أوقات الخوف بيكون لعنة
 وساعات نستقوى بكثر الخوف
 والست دي كات خايفة عليهم
 من خوفها عليهم ريتهم
 الست دي كات أكثر من أم
 الست دي أصلاً كات بيتهم



(4)

قَرَّبَ قَرَّبَ .. بُصْ يا أستاذ
بُصِي يا هاتم
الدنيا سلام في سلام
إيه اللي بيحصل يا جماعة
والناس أرقام جُوه الساعة
وان لف العقرب يلدغنا
أراجوز والمهنة بقت مغني
بكتب حواديت ويضحك ناس
ويصب الكاس يشربوا ينسوا
وانا لسه تعيس
أراجوز بيضحك خلق الله
ويعيط وحده ورا الكواليس
أوقات طيب .. أوقات إبليس
شرير جواه نزع طيبة

أو طيب عنده ميول للشر
غرقان مالمحتش إيد ولا بر
مآساتي الكبري إني مكمل
في الدور مضطر
مُجبر ومفيش حاجة في إيدي
غير إني أروح ويا التيار
ما أقدرش اختار
ولا عندي بديل.. ولا عندي
شريك يقاسمني الليل
إنسان على هيئة جرح قديم
والماضي يفتح في جراحي
العين بتنام.. بس انا صاحي
ويخبط بس الباب مقفول
مش لاقى الشخص اللي هيفهمني
بدون ما انا قول
مش لاقى حلول..
ومكمل بس ويتمنى..
ويقول الحال ده هيتبدل
ويقول والله هتتعدل..
وبعشم نفسي بدنيا جديدة وثامن تانيين

ناس حقيقيين

ناس عارفة تشوف قيمة الحاجة

من غير ما تدور في الفتارين

ناس مش بلالين...

أو منظر بس بدون قيمة

ناس مش أبطال أفلام سينما

ناس لسه بجد وصفحتهم

مفيهاش سابقه

الشر صحيح اقوي من الخير

لكن والله الخير ابقي

اراجواز كان همه انه يروح بالليل مبسوط

كان همه الناس تعرف قيمته

من غير ما يكون مضطرب يموت



(5)

يحيى ..
عيل غلبان ..
كان صاحب سلم
مش تعبان
ولا ليه في اللف ولا الدوران
ولا ليه في الموضه ولا الألوان
ولا ليه في فيروز ..
ولا شكله عجوز
كان كل ما ييشوفنى يغنى ..
وكانه كمانهجا بتلعب صولر
فلحن جميل ..
وكانه فلوكه في ساعة عصر
بتحفضن نيل
وكانه مجرد "طب بديل"

بالنكته الل بتطلع منه
فتضحك واحد زى حالانى
بيضحك فى السنه كام مره
يحسبى البنى آدم من جواه
كان زى ما بيبان من بره
وكانه ورق مكشوف فتشوف
سير الأحداث
من غير الأعيب
ومفيش بنى آدم من غير عيب
ولذلك كان عيبه فى قلبه
بيحب الستات بشراهه
ومفيش انسانه فى يوم شافها
غير لما اتشاف ماشى وراها
علقهم بيه ومسابهم مرضى
وعملهم تماثيل وأغانى
وعشان الناس المعترضه
هترد تقول انه أنانى
فهرد أنا وهقول يهدوء
ربنا خلص
ومفيش مخلوق يظلم مخلوق

غير لما ودانه بتتملص
 ويأخذ درس ويتربى
 ومفیش فـ الكون كفه هتفضل
 على طول طبه
 "يحيى" .. الوهـان
 كازنونا العصر
 كان واخذ كرمين قدام
 في طريقه لمصر
 شوف لجل ان ده برضه نصيبه
 وإن دى دعوة مظلوم طلعت ..
 وحكاية وقت وهتصبيه
 كان يوم الجـر مكانش تمام
 ومفیش فـ الموقف عرييات
 والوقت اتأخر عـ الركاب
 وفيه بنت هناك هاتك يا عياط
 علشان مش لاقيه مكان تركب
 والدنيا زحام
 عارفين ايه باقي الحدودة ١١٩

"بالظبط كده.. ركبت قدام"

وكلام في السكة يجز كلام
اسمها "نادية".. وشكلها هادية
وما لهاش لاجب ولا دياولو
أهلها مش من الطبقة العالية
لكن برضو الناس بيحاولوا
ريوها وعملوا اللي عليهم
من غير تقصير..

فاشلة في إنها تفتح مواضيع
وكلامها قليل بس كبير
كات هي ساعتها في تالته فنون
كان لسه صاحبنا غلص جيش
بيحاول يعني يلقط رزقه وياكل عيش
يضمن مستقبل ووظيفة
شاف في كلامه إنه مكافح
حسن بإنها ذوق ولطيفة..
وما دام فيه قبول..
أو فيه استلطاف
وما دنا ضعاف

وقلوبنا فـ لحظة بتعلق
وتحب من النظرة الأولى
وتسهر تشاق وتقلق
وتلف الدائرة المقفولة
حبيها يحیی ..

وصلوا وفـ نهاية الحدوة
هي فـ ناحية وهو فـ ناحية

عدت أيام .. إسبوع واثنين
شهرين في ثلاثة فـ مست شهور
الدنيا تدور ..

وتوصل كل قريب بـ بعيد
وتواسي قلوبنا المشتاقة
والدنيا عشان مش واسعة أكيد
فمسير الحی يتلاقى
كان يوم عادي ..

والدنيا زحام
والناس كتروا
بس المرة دي الجو غام ..
الفرق إننا جوا المترو

يحيى وكالعادة بيستني
يركب م الشهدا على مسرة
كات هي على الناحية الثانية
ويتزل وهتخرج برة

وعشان الحب ده زي الموت
ويحصل بس يادوب مرة
نزل المجنون.. يجري وينده
استني استني ومش سامعاه
ولأول مرة اللي متوه كل الستات
بتقى عيل تاه
حب يا ولداه..

ويا عيني على الرجل لما
يعشق إنسانة بدون عنوان
الدنيا في عينه بتبدل
ويبعثي يشوفها ف كل مكان

عدت أيام زي الأيام.. وصاحبنا يوماني بيستني..
ناحية ما لاقاها بدون فائدة
جُرعات التفكير متزايدة

الحب ده نار.. تفضل قايدة
طول ما انت تحاول تحمدها
تجربة كات صعبة عليه جدًا
وما يتمناش بكرة يعيدها
كان عايش في البُعد يعاني
واتحول فجأة لواحداني

أول ما لاقاها في يوم ثاني
بتسلم.. لقي دبله في إيدها

شوف لما الدنيا بتديلك
الحاجة وترجع تبعدها
والحكمة من القدر الساخر
والدرس اللي اتعلمه يحى
حُبها من قلبه وفي الآخر
هي في ناحية وهو في ناحية



الطيبين

هُمَا الّٰي يَبْعَدُوا الطَّرِيقَ بِشَوِيْشٍ

وَيَزُقُوا أَيَّامَ الرُّوْتَيْنِ

وَيَعِيشُوا جَنْبَ الْخَيْطِ

هُمَا الّٰي شَدُّوا الْخَيْطَ

كَرَّتْ حَيَاتُهُمْ ضَحْكٌ عَلَى مَأْسَاةِ

الطَّيِّبِينَ مُتَعَلِّقِينَ بِاللَّهِ

قَسَمُوا الْحَيَاةَ قَسَمُوا الطَّرِيقَ وَالْأَكْلَ

هُمَا الّٰي عَرَفُوا أَنَّ الْجَمَالَ مَشَى شَكْلَ

قَسَمُوا الْمَشَاكِلَ وَالْهَمُومَ وَاللَّيْلَ

قَسَمُوا الْأَمَلَ وَالشَّكَّ وَالْمَعَانَاةَ

الطَّيِّبِينَ هُمَا الّٰي يَبْعَدُوا الطَّرِيقَ

مَنْ غَيْرَ مَا يَبْيَضُّو

فَيَبِيدُوا الْمَشَوَارَ وَيَرْجِعُوا فِي نُصْبِهِ

الطيبين مش أغنيا
ولا أنبيا
ولا هلاسين ولا أوليا
الطيبين ناس زينا..
قادرين يعدوا المرحلة
قاعدين في آخر صف يشوفوا وخلص
ومفيش في أيدهم غير
ورق وأقلام رصاص
الحبر عمره في قلبهم ما يسيب بقع
الطيبين زي الشجر
ييموت وعمره ما يبقع
ثابتين عشان مش شيالين..
ولا حد فيهم حتى فكر في انتقام
ولا حد فيهم خاف ينام
عايشين كده في حالة سلام..
ماهمش أعداء زينا
الطيبين همّ اللي شايفين زينا
همّ اللي فهموا ان الحياة
كازيتو وروليت ورهان كبير

تكسب مادام "مترك في بير"..
العب مع الخسران يجوز
الحظ يلعب لعبته وترجع تفوز
الدنيا محتاجة لشطارة بشكل ما..
وبشكل أكبر برضه محتاجة لحظوظ

الطيبين

مش مكسورين خاطر ولا مغلوبين ع الأمر
الطيبين زي البلاح لما استوى بقى تمر..
النضج نفج التجربة.. مش سن
فيه ناس بتصغر لو يعدي الوقت
وناس بتكبر لو قلوبها تمن
الطيبين ما بيهروش غير من
الزحمة والأسفلت والناس الرخام
وازاي هتقدر ع الحياة يا أبو قلب خام
العبرة بالخواتيم صحيح..
بس انت إيه دراك؟
جايز حياتك تجبرك بعدين..
إن انت تندم أو تبص وراك

الطيبين بيوطوا للموج لو علي..
بيفضوا روسهم لو قلوبهم تتيلي
ويسيبوا بصمة ف كل قلب بيدخلوه..
م المستحيل لو تمشي ورا طيب تنوه..
الطيبين ناس سهل يدوك الأمان..
وبيفتحوك كل أبوابهم كادوه

وانا زبي زيك حد مش طيب أوي..
أوقات بسيط.. أوقات أناي ومنطوي
مايمنيش هزل الصراع الدنيوي..
ولا حتى عارف بعمل إيه لو قطرات..
ما املكش غير بذرة أمل..
بزرعها تطلع معجزات

جايز أكون مش فارس الأحلام ولا..
أقدر أعيش حدوده بين بنت وولأ
لكن بعيش حزني في سياق المرحلة..
وأحضن هوا.. وأرسم سلام تتطلع
شاييل وماشي وكشف روحي بينخلع
لكن عبيط..

بضحك على الأيام نكت واصحاب قدام
ما أعرش أعبر غير إذا يخلص الكلام
ما أعرش أعيش في الشمس أكثر من ساعات
ما أعرش غير الفيل والليل واللي فات
من بره صلب كاني مخلوق من حجر
من جوه هش كاني غزل بنات

أنا قلبي طير بجناح يادوب يقدر يشب..
ما أعرش أكره آه.. لكن ما أعرش أحب
حببتي بنت مالمقيهاش
وأنا ما أعرش أتحيل
خلاص قلبي اتقسم نصين..
وروحى جدارها بيميل
ما بين عيل بقى راجل..
وبين راجل رجع عيل

أنا لسه بكذب وسطكم قما نلقوش..
أنا لسه زبي زيكم بلبس وشوش
تصنيقي في سناريو الحياة..
إنسان بسيط أو هامشي

واحد يادوب چه كام سنة وسابها ومشي
كرسي في كراسي القهوة.. كان ناقص زبون
كرسي في كراسي الدنيا كان ناقص دفا
راجل يوماتي تشوفه بس ماتعرفوش
عمر ك ما هتحنس بغيابه لو اختفى
عيل يادوب في العشرينات بيع وجع
شايب في كوتشينة الحياة والفلسفة



ييجيلك وقت

ييجيلك وقت..

نحس إن انت مش عايش
نفس داخل نفس خارج كده وخلاص
حياتك واقفة على أشخاص ..
سابوك مرمرى فى طريق مقطوع
بقيت موجوع..

وعصبي وسهل تنهوى
كانك طفل متعور..

بيصرخ !!

بس فى الرد

ييجيلك وقت والله.. تشوف شكل الحياة تنخفض
تقول أنا مين؟ .. تقول مين دول؟
وايه جابني فى وسطهم؟
وايه وصلني لى أنا فيه؟

يبيلك وقت تضحك وانت مش عارف

بتضحك ليه !!

وشوش قاعدة ووشوش بتقوم

وناس بتزور الإحساس

وناس عمالة توعظ ناس

في دنيا عبارة عن كباريه

يبيلك وقت..

تحس إن انت مش عارف هتعمل إيه

وهتروح فين

بقيت محبوس في خانة اليك

متاهة وكله نازل شك

وفجأة الدنيا تديلك

الم بيرن على وشك

تفوقم البنج على صوتهم

تلاقي الكل بيتناق

ويوافق

يعيش اللحظة ويحاول

يعيش الجو

تشوف صاحبك تقول صاحبك

تسيب صاحبك تقول ده عدو

غريبة الدنيا والله .. غريبه بجد
 ما حدش فيها باقي لحد
 وكله معاك وكله عليك
 وعيش واكل يا تاكل
 في مشهد بؤس مأساوي
 فيه ناس عمالة تاكل بعض
 متاكل ولأ مش ناوي؟



المشكلة فياً

بحبه ويكرمه ودايمًا..
بحاول أنهمه وما اعرفش
ضعيفة قصاده طول عمري..
وهو قصادي مايضعفش
ساعات بيكبر الخلفات..
ويعمل م المواخنة
لكن ينسأله واصفاله..
يادوب لحظة ما نتلاقي
ويفضل برضو مشتاقة..
وأحن لكل شيء قايله
سكوته وصوته ورسايله..
مسجل اسمي في موبايله
«حبيبته وصاحبته وبيته»
يجوز خلّفته ونسيته

وأخيرة صبري كان هو
لكن ورا كل عصبيته
مجرد طفل من جُوه
حنين آه وقلبه أبيض
وذوق وساعات طويل البال
وذي البحر كل دقيقة يبقى بحال
ساعات هادي ساعات مجنون
ساعات يكون
غريب وفي لحظة يتضايق
ساعات رايق..
ساعات من كتر ما يشحكني
يبقى هموت
ساعات يدخل عليا الجو يتكهرب
ساعات من غير سبب واضح
يكون مبسوط
ساعات يفرق في بحر سكوت..
ويسرح
وأبقى مش فاهما..
أنا والله تُهت معا
لا عارفة أرضيه ولا عارفة

أعيش بطريقة طبيعية
لكن من غيره شكل الدنيا يتغير
وتبقى حياتي مش هي
بحبه ويكرهه وعازاه
وكل يومين بقول هنساه
هعيش ازاي حياتي معاه
وهو بألف شخصية!؟

أكيد المشكلة فيا



كان أولى يكون اسمه الغابة

مساكين مساكين
والخوف سكاكين
والليل دكاكين قَرَّب قَرَّب
مشاوير مشاوير ..
الناس مناشير
حييت بضمير قُلْتُ أجزَّب
جربت اتسابت
وقلبي اندب
وياريت ما شاف
وياريت ما حَب
أزرع في الأرض تطلَّع حب
أزرع في الناس طرخوا مآسي
جربت أقيس للفرح قميص
فنعجيني وما طلعش مقاسي

العالم طيب.. لا قاسي
 العالم عايش في مهازل
 زي المنشار طالع نازل
 وياكل عمرك وياكلك
 ويحبس روحك في مشاكلك
 كل اما بتطلع من حفرة
 في الحفرة اللي وراها يزتك
 ويسرق قوتك أو صوتك
 ويموتك لو تفتح بؤك
 مساكين وغلابة وسحاوطونا
 خَوُّونا بشعارات كذابة
 سميتوا العالم عالم ليه؟
 كان أولى يكون إسمه الغابة
 بعمل بإيديا علامة النصر
 لكن وأنا تاني السبابة
 أنا طيب؟.. لا أنا بتغايى
 ويدور على أي إجابة
 أو أي مبرر للمأساة
 غير إن العالم جاب ضُرَّفه
 والناس فهموا القصة وعرفوا

لأنها أوهام واحتا زباين
وان الموضوع أصلاً باين
السنيما أداة.. زي الإعلام
ممکن تتيسيس بسهولة
والعالم حرب شعارها سلام
ييلف دواير مقفولة
ناه فيها المظلوم في الظالم
عندك عسكري تحكم دولة
عندك بترول تحكم عالم
الفن حرام.. والمراكات سرقة
بشكل نضيف
والكذب حلال.. علشان دستور
العالم زيف
والكوكب أصبح عتده تزيف
من جرح اتلوث بإيدينا
بنعيب ع العالم واحنا
العيب م الأول كان فينا

هالله هالله يا خلق يتعافر
تكره المسافات ويتسافر
تلعن الأزمات وتدخلها

قلبي عاشلك بس مات كافر
هالله هالله السكة واخذنا
ناس بتحضن ناس بتتفرق
والعيون لو حتى نعسانة
فيها موج بينجي ويفرق
حرب لأ مش حرب دي الدنيا
دنيا لأ مش دنيا دي قساوة
حاجة بتتسبك حاجات تانية
رامس براس الحسبة تتساوى
كله سابك بس مش زعلان
روح بتتشف بس قلبك لأن
مين هيفهم شربة الغرقان
غيرش واحد دان في نفس اليم
نفس سجن الخوف في كيف أو كم
في تشابه في احتقان الروح
في تطاير في فصيلة المم
هالله هالله ومين بقى ييهتم
الحياة مشوار وينطخه
بس مين يرجعها زي ما راح
حية دايرة بيسمها تبعه

مش حياة بتدور مسا وصباح
الحياة بتشد خُذ حذرك
موجها عالي ومسحبا بورصة
عمر ما القطورات هنتظرك
فاوعى يا ابني تضيّع الفرصة
عيش لنفسك.. موت لنفسك سيب
كل حبل معقلك في مفيش
لو تقلت في يوم عليهم غيب
هُمّا عاشوا وزيم هتعيش
الضنا في اليتيم ليه ربه
والعيال بعدك هيتربوا
لو عرفت تسيب هنا وتمشي
إمشي وارعى تقول عيال أو مال
إمشي منها بضهرك المفروء
أحسن ما تمشي منها ضهرك مال
كلنا بتتشال عيال نكبر..
تبقي كهل تموت عجوز تشال
البلاد زي البشر بتموت..
والبشر زي البلاد أو طان
بين عَجَل أتوبيس وبين نبوت..

بين طريق أسفلت آخره غيطان
 عشت أخضر والحياة جافة..
 والقدر يبوّجّه الدفة
 اللي قضى العمر جنب الحيط..
 زيه زي الماشي ع الحافة؟
 هو مين فينا اللي كان صادق..
 ولّا مين سعيه اللي كان بيضل
 أخسر بن بنعيش ويتأفق..
 عشانين يمكن نموت في الضل
 تمشي جنب الحيط تموت عايش..
 إمشي فوق الحبل مش هتمل
 عيش دراما مشاهد الحريف
 عيش بتلعب بس للخسران
 سيب جدورك تنفرد في الريف
 وانت مش هتعود لها عطشان
 سيب حياتك تمشي سيب نفسك
 عيد حسابك قبلها وقرر
 الحياة زنازة مالهاش باب
 اللي يرمي طوبتها يتحرر



أبوي العزيز

بحبك
ثم أما بعد..
أبدأ كلامي سكوت..
وأسمع كلامك حب
كفة بتعلا عشان..
كفة قصاها تطب
ليك مني صوت واطي..
ودعاء في صلواتي
وف كل خطواتي..
ليك رأي أو شوري
ليك في الحياة والناس
والقهوة والكورة
وف كل يوم بيفوت..
وف كل صمت وصوت

وف كل شيء محطوط
في القلب أو براه
هتلاقي راجل كبير
وتلاقي طفل وراه
بيصلي ويدهي
ويكمل الصورة

يا أطيب كل خلق الله
بلا استثناء
يا رامي الحمل ع الرزاق
وماشي بقلبك الشيال
تمز جبال ماتتهزش ولا تميل
ومهما أكبر
بشوف نفسي قصاص منك
يادوب عيل
وراسي لتحت لما أنطق كلامي معاك
وراسي لفوق
إذا كان الكلام عنك
يارب الدنيا ماتخيش يوم ظنك
وأكون قد الأمانة وأشيل

وراك الحمل إيد ورا إيد
رسالة أب وصلت ابن
رسالة جد وأصله حفيد
ولو لَفَّ الزمن بيهم
وإيد مسكت وإيد ساب
هتفضل شجرة العيلة
عفية وأصلها ثابت
عشان الأصل كان راجل
موظف بس كان بينا
مأمس عيلة لو مشيت
في ضله هتدخل الجنة



بحبه يجد

بحبه وهو يستاهل.. بنات الدنيا تتمناه

وده على فكرة مش معناه

بإني أسمع لغيري منه تتقرب

وداعية عليها أم وأب

واحدة هتيجي وتجرب

أنا اللي في ممي بحكيه ويعشق

كل تفاصيله

عروق إيده وساعته وريشة البرقان

ونظرة عينه لو كسّر عشان غيران

وطيبته وهيبته ووملائحه

وفرحة قلبه لو أساعه

في وقت ما ييجي يتأسف

بحبه أكيد... بحبه يجد مش بعطف عليه يعني

بحب بساطته وهذوءه ونبرة ضحكته وشوقه

ولمة عينه لو يختار لي حاجة ألبسها على ذوقه
يجوز يصعب عليًا ساعات
وأحسن بلاني أمه وشايلة همه وأخاف
دماغه الناشفة بتكبر ف أي خلاف
لكن والله قلبه ابيض.. ويسامح ومش غلاط
مالرش في الكذب والحوارات..
ده شخية بيان عليه على طول
ورفهم هو عايز إيه بدون ما يقول
يقول ما أعرفش حالك ليه.. أقول
هو انت كنت تطول
يرد عليًا أطول لكن
أنا اخترتك..
بس حانك بتوماك
بتسريحتك بنضارتك
بقلقك م الحياة عمومًا
وخوفك م اللي بجاي بالذات
عنيا بقت ما بتصنفش
غيرك انتي بس بنات
لقيتك كتر كان غفني
وحليت لغز أحزانك
وعشت حياتي علشانك

كانك آخر الأحلام..

كانك دنيتي ولوئها

جزيرة بعيدة بسكنها

وبهرب فيها م العالم ومن شغلي

وم القهوة..

ومن أصحابي أحيانا

وم التفكير

أجازة فرحه مفتوحة

بدون تبرير

أنا والله من قبلك تعبت كثير

وجه الوقت اللي أفكر فيه

أكونك بيت وأكونك أب

ده أنا من يوم ما جيتك

ماقولتش غير عايزها يارب

عرفتوا أنا ليه بقيت حباه

وعايشة حياتي ليه ومعاها

لا حاملة الهم ولا خايفة

وحتى إن خُفْتُ خوفي بسيط

لأن خلاص لقيت راجل

دخل قلبي فأصبح بيت



الجميلة والوحش

إنتي الجميلة بس أنا مش وَحش
هتلاقي وسط عيوي شخص بسيط
هتلاقي طفل عييط
بأقل شيء يرضى
ويكلمتين بيلين
هتلاقي جُوه القسوة بحر حنين
وتلاقي جُوه القرة ضعف وخوف
وتلاقي عين بتشوف.. وتقدر النعمة
وان اللي كان أعمى..
فتُح وشاف واهتدى
نزلت دموعك ندى
على كتفه نبت ورد
حضنك وباس راسك
بقت الحياة مش برد

أبوه الأسف في الغلط
ما يبرزش الراجل
وان احترام رأيك
شرع وفريضة وحق
وان النقاش واجب
مش لا.. علشان لا
وان انتي ست الناس
وان انتي بيت في البيت
وان الخناق مش حل
وان الحوار إتيكيت
لو كنت انا سمعتك
ماكانش كل ده تم
يعني انتي من حقك
إني أسمعك وأهتم

انقلبت المرازين
والإعتذار واجب
وان كتتي جُوه العين
تعلي عن الحاجب
غلطان وجيت أعتذر..

لو حتى مش قابة
عارفك أكيد طيبة
مش ساذجة ولا هيلة
بتعدي بمزاجك
ويتنسي بمزاجك
ويتبقي ضمير وسند
لحظة ما يحتاجك
راعي انا فيا عيوب
وما كامل إلا الله
راجل هيبقى عظيم
لو كنتي واقفة وراه
قدرت أسبيك ؟ لا
هددت أسبيك آه
يعني اللي قال هجرحك
هدد لكن ما جرحش
واشتاق وحن وتعب
طول الغياب ما ارتحش
وانك جميلة صحيح
لكن أنا مش وحش



La vie en rose

كان الزمن ليه روح وليه ريحة..
وانا كنت لسه يادوب.. يادوب بخطي الباب..
مش عارفة ان الزمن صاحب بالين كذاب
مش عارفة ان الناس فتارين طلب أو عرض
كانت الحياة سهلة.. وكأني مشع الأرض
بنت بأمل وطموح.. بتروح مكان ما تروح
ريشه ف هوا الأيام.. بتزقها الأحلام

والدنيا واتخدها..
للسينات سحرها..
أيام يلون البن..
دوشة وعيال وسبوع..
تخيط بإيد المرن

اللغة.. واثنين شاي
على قهوة ساعة عصر
مع كل قولة «هيه»
ورا جون في ماتش لمصر
وش البيوت شقق
م الضحك ع الأيام
أربع حيطان إنها..
أحسن كثير من قصر
كان الطبق بيلف..
زي الزمن يتعلي
بسبوسة تطلع كحك..
تنزل كثافة وجيلي
والحزن حزن الكل..
مش حزن حد وحد
والكل ضهر في ضهر
في الجمعة أو في الحد
وما بين طريق اترسم..
ونفوس بلون شفاف
وما بين رغيف انقسم

لو حتى كلناه حاف
كان صعب يمي غريب..
يزرع ما بيننا خلاف
وانا.. كنت لسه بخاف

- أنا قلت: ليه وازاي؟

- ضحكت وقالت: بس «إشرب معايا الشاي»

وشربت وانا سرحان وفضولي غطى وزاد

ردت وقالت: كان «عندي ثلاث أولاد»

ودي قصتي الكبرى

«ماريو وجوزيف ويوجين»

مواليد حارات شبرا..

لكن بروح الغرب

هنا اللي فضولي..

بعد اللي راح في الحرب

ده: جوزي «جون أبانوب»..

كان مصري أب وجد

راجل جدد بصحيح

وفي أي حاجة يسد

شافني وقوام حبني.. ودخلنا في حكاية
كان أهله مش عايزينه يحب خواجاية
لف الزمن لفته وبقيته أهل بيت
علمته حب الحياة والفن والإتيكيت
علمني هو الشجن والانتظار والشوق
عاش هادي حتى ورحل زي أما عاش في هدوء
راح ماشي على رجليه.. ورجعلنا في صندوق

بصيت في عينها لقيت.. لمعة وجع ودموع
بصيت في ساعتني عشان أغير الموضوع
قولتلها ياه يا مدام.. الوقت عدّي قوام
وأنا عندي كام مشوار.. وحاجات كثير تنجاب
لميت حاجاتي وقُمت سبقتها ع الباب
ردت وقالت فوت..
أنا خايفة إني أموت..
فاسأل عليا وطل
قولتلها مات بالغيش وهتبقى زي الغل
ويلاش بكش واعرفي إن العلاج «نفسى»

وانا برضو هبقى أسأل وهعدي من نفسي
إنسي ان أنا دكتور.. أنا زي ماريو أكيد
بس انتي تاخدي الدوا وتواظبي ع المواعيد
وده رقم شخصي.. لو مَرأي جديد
ونزلت كام سلمة ومشاعري متبعترة
رجليًا بتزقني.. روعي بترجع ورا
ما أعرفش حالي انقلب بالكلمتين دول ليه
ولقيتني شاييل همها وزعلان
وقت أما كات الست بتردد الكوبليه
«قول للزمان ارجع يا زمان»

أيام عدت.. وأمور جدت
والدنيا ابيضّت واسودّت
والحال لو كان هيدوم كان دام
كلنا حواديت زي الأفلام
كلنا أبطال أفلامنا إحنا
والكاميرا بتشهدع الأيام
والوقت بينمحت ملاحظنا
مرت على باب شقتها عشان

أطمئن إن الدنيا تمام
نجبت كثير.. وقلقت أكثر
أنا قلت دي غيبوبة سُكَّر
ونزلت أنا دي على البواب
وظلعنا بسرعة كسرنا الباب
ودخلت لقيتها على الكرسي
وف إيدها يدوب إبرة تريكوه
جنة بتبسم لمصيرها
وكان الموت كان جاني كادوه
الوردة خلاص.. ديلت يا زمان
طيب يا حياة قاسية وجاحدة
طول ما انت صغير ليك تاسك
تكبر فتدوق طعم الوحدة
وتموت واحدا في دنيا سراب
أصحاب؟.. بالوقت مالكش أصحاب
كلنا ماشيين ويتفرق
عن بعض في آخر السكة دي
والدنيا بتعشي ويتكمل
ويتعرف بكرة نعيش عادي



على باب مطار القاهرة (3)

” ذهاب وعودة “

(1)

«القاهرة/ الرياض»

المرّة دي بالذات..
كان الزمن ثابت
والكادر لامم كل تفصيلة
بين إيد بتقفل في الشنط بهدوء
وإيد بتاخذ عيلة م العيلة
الحال هيفضل خال
يادي السفر يا عيال
يادي الغياب والوحدة والحيرة
ضعيت عمرك سفر مستني تأشيرة

وختمت كام باسبور.. تذكرته رايح بس
 ولا عمر وطنك حنّ.. ولا عمر غيرك حنّ
 بين نص في القاهرة شابط في باب أتوبيس
 ونص في الدمام يكبر ويبقى عريس
 يرجع مايعرفناش
 يرجع فاكرنا طشاش
 يرجع مالوش إصحاب
 ويص باستغراب على خاله أو جده
 كل اللي رُحت هناك
 علشان تحبيه معاك
 القروش لو بينيه الغريه بتهده
 العمر قطر وفات واللعتة المسافات
 والمرة دي بالذات
 كان الزمن ثابت
 لما الإيدين سابت
 على باب مطار القاهرة
 «آخر نداء للطائرة»

شنطة ودموع
 وكلام أخير

قالت «أشوف وشك بخير»
رديت وقلت خلاص كده ١٩
طب سافري وسيلنا العيال
سيبي البنون لو عايزة مال
والله ملينا الغياب.. وتعبنا لف ومشورة
وضحكك ضحكة مكشرة
«آخر نداء للطائرة»

مستعجلين على إيه بقى ١٩
ده الغربة زي المشنقة
ضيعتي عمرك بعزقة
ودفعتي راحتك تذكرة

على باب مطار القاهرة
الناس في مولد والحياة بتدور
واقفين طابور والكل وانخد دور
مزحوم يا قطر الطيبين مزحوم
مكسور يا ضهر الغلبانين مكسور

هتصبرونا بإيه ١٩

الحضن ما يوصلش في رسائل
والنظرة ما لهاش طعم غير لما نتقابل
والطبعية في البُعد.. بتزود الأوجاع
وتسيب أثر في القلب
وتسيب ألم في الروح
ملعون أبوك يا طموح
فرقت أجدع شمل
حللتنا زي النمل
عايشين عشان نشغل ونلم قوت ونموت

على باب مطار القاهرة
كل البشر بتقوت
وتسيب غياب وعتاب وكلام كثير ما طلعش
كل اللي سافر.. رجع.. لكن في شيء ما رجعش

«القاهرة/ دي»

المرة دي كان المسافر هو أنا
 إسبوع يادوب.. مش كام سنة
 إحساس غريب
 ما أعرفش ليه كان عندي رغبة
 في البكا
 ما أعرفش ليه حسيت مناني متكسكة
 وحسيت بروحي بترتمش
 وكأني مش شبه المكان
 ولا شكلي كان شكل البشر
 على كتفي فيه شنطة سفر
 وف قلبي زووجة بهجها
 من غير سلام ودعتها
 كنت انعزالي ومنطوي
 والمرة دي حسيت أوري
 إيه هو كان إحساس مها
 والناس وشوش..

زي اللي كنت بشوقها في الأفلام

ومويليلي رن.. رديت خلاص

يا حبيبتي أيوه.. كل حاجة تمام

الختيمع الباسبور والحلم بيقترب

أنا لسه ماسافرتش..

لكني متغرب

وحاولت أتهرب.. من دمعين في العين

وضحككت فجأة وقلت هكلمك بعدين

وقفلت سكة كلام وفتحت سكة سفر

ودبلت زي الشجر وأنا قاعد أستنى

الغربة رغم المال والراحة مش جنة

أنا كنت بتمنى.. إني أمشي م القاهرة

دلوقتي ياللعجب.. بطلت أتمنى

كلمت أمي عشان محتاجها في حكاية

وصيتها على آية.. وخلتها تدعيلي

شاعر بمثل مصر.. ويقوم بدور جيلي

والفرصة دي مش كل يوم الصبح هتجيلي

فمسحت دمة ف عيني مابكيتهاش

وقفلت عيني على الجبابب كلهم
وقفلت قلبي على اللي ماضي وسبتهم
وقفلت سوستة شنتني الباك باك
بصيت لمصر الحلوة م الشباك
حسيتها أول مرة تضحكي
حسيتي أول مرة ليها بحن
حسيت كأن..

القلب متعلق بشيء اتساب هنا
وان البلد دي بطبعها بتحبنا
ما فهمتش إني بحبها جدًا
غير لما كان منها المسافر هو أنا



الدنيا مش هي

النهارده.. الدنيا مش هي
والحياة مش صوت ومش صورة
طفل لما اتغنى أمنية
كان يمشي برجل مكسورة
كان بيدفن راسه جُوه الليل
في انتظار العيد وبابا نويل
وأما بابا نويل وصل يا ولاد
جِه قصاص البيت وساب كورة

يعمل إيه أعرج بكورة شراب
غيرش بس الرقعة قُدام جون
الحياة ملعب مانيهش صحاب

والطريق يضييق ومش مضمون
قُلْتُ أَكْرُن.. وحاولت فعلاً أَكْرُن
كنت عيل.. والحياة فصلي
طبيتي خاتمي ومعدني الأصلي
كنت بعيا وضحكك مَضلي
تضحكي لي فجأة روجي ترد
بس انا والله مش ولا بُد
قلبي ضيق تُحرم إبرة وصلب
شخص يشبه شخص من غير قلب
كان في آخر الليل يخاف م الكلب
واكتشف إن الكلاب أوفى
والبشر هي اللي منها نخاف
كان يشيع بالرغيف الخاف
المهم إزاي هيتاكل
عمر قلبي ما خشن في مشاكل
الحياة هي اللي كات بتزق
كان براح الدنيا قد الحى

رغم ده والله كنت بلقي
في المذوم من وسعها وضيقني
كنت عصبي.. كنت همجي وآه
كنت أسوأ كل خلق الله
كل شر الدنيا كنت وراه
بس كنت طبيعي وحقيقي
مش مزيف مش مركب وش
مش بوازن كل شيء بالغش
الحياة ما قالتش غير معاش
تعيش وتأخذ غيرها يا صديقي

قلت هضحك في الصور تحلو
كنت بضحك والحياة بتسوء
عشت عمري كله أما وأو
عشت بطلع تحت وأنزل فوق
قلت ههرب والمروب مش حل
قلت نرجع بين عسى ولعل

قلبي سابلك نفسه قلبك مَلَّ
كان طبعي نفترق في هدوء

قلبي زي فراشة مالهاش لون
حُرّة لكن في فضا مسجون
قُلْتُ هقدر قالوا لا مجنون
قُلْتُ بكرة تشرفوا بعمل إيه
سكتوا لحظة وضحكوا ع الإيه
الحياة أيام بتداول
ناس بتطلع ناس بتنزل تحت
موت بتفشل وانت بتحاول
يمكن تحس إنك ساعتها ارتحت
لقيت ودّرت وعقلي لف وطوفت
خُفْتُ فعلاً يعرفوا إن انا خُفْتُ
فتحت قلبي وشُفْتُ قد ما شُفْتُ
وندمت جدّاً إن انا فتّحت

كنت بتزف وقت بالتدريج
بتحرق بشويش كما الشعلة
كنت بعزف حزني بالتهريج
كنت بكبس بنع الدمعة
كأت بتنده كنت أقول حاضر
كنت بنده هي مش سامعة
هي مشيت بس أنا اللي وقفت
حشت فترة طويلة زي الزفت
في النهاية ارتحت لما عرفت
إنها اتروح ومش راجعة

الميزان مقلوب يا فؤارة
وا- حياة في الأصل دؤارة
كلنا بتحامى م الغارة
ادخل السرداب وخاف تسلم
واقفل الأبواب بلاش تحلم
اللي ينهم كل شيء يندم
شيد جهالك بالحياة متارة

نام مدني القلب قبل الجسم

نام مغمض قلب فاتح عين

موت بجسمك بس عيش بالاسم

موت صغير راح تعيش بعدين

سيب حسابك للي رتبها

كلنا والله هنسيبها

مين مشي في جيويره حاجة معاه

كل ساب ماله وعتاله

كل ساب ضحكته ويكاه وغناه

كلنا ضل في ايدين الله

وانت مين في الدنيا غير غابر

كان يمشي.. يطاطي ويكابري

مرة صابر مرة مش صابر

ساب حياته لخلق كات سايباه

توقة توقة وكل شيء زابل

بس عيش وارزع شجر وابني

لو جدار في حياتي كان مايل
معدله بإيديا لجل ابني
مش مهم إحنا الي قتهنى
إحنا نعشم بس في الجنة
هات إيديك نحلم ونتمنى
ليه مصمم قمشي وتسيني
توتة توتة خلاص يا دنيايا
الطريق ده نهايته أغنية
بكرة يوصل بكرة لنهاية
والنهارده الدنيا مش هي



بكلم ربنا عنك

بكلم ربنا عنك..
ويدعي تكوني من حظي
وقسمة قلبي ونصيبه
لقتيك حلم مش ناوي..
أسيك تمشي ولا أسيه
يا وردة في قلبي بتفتح..
جنانين رقة وطياية
وطفله كبيرة لو نطقت..
حبيبي بتسمع: «بابا»
ماكتش ناوي أعلق
وشفتك فجأة فاتمعلت
ماخدتش وقت..

يا دُوب شايُنك وما أعر فِكيش..

مَشيتي من المكان اشنقت

لَقيتني سألت عن اسمك..

وعن سنك

ومن كل الي ممكن يتعرف عنك

وعن بيتك وأصحابك..

ومسهم فراق زمان صابك

وواحد كتبي بتحببه..

لكن وقت اللزوم صابك

لَقيتني طفل على بابك..

وايدي على الجرس بترن

لَقيتني برغم ثقلي بزَنّ

ويسأل عن معاد يمكن

تكوني بتيجي فيه.. فأجي

لَقيتك مرضي وعلاجي..

ومت الدنيا دي وتاجي

وليكي في كل لحظة بَرجن

بقيت منك إليكي بعود..

كانك أولي وآخري

كان الدنيا دي بتحلو

لحظة ما انتي تبسمي

كانك وشم على جسمي..

وحبك في الوريد ييزيد

بنظرة عين ومسكة إيد..

أنا محتاج لإسم جديد

نسيت بهواكي إيه إسمي

يا حب العمر.. يا أول

ما شاف القلب من فرحة

يوماتي على الله بتخيل..

ملاصحك وانتي في الفستان

ولابسة الدبلة والطرحه

وإيدك ماسكة ف إيديا..

بدون ما نخاف من النظرات

كسرت أنا وانتي كل قانون

يقول إن البشر فترات
 بقيتي العمر مش فترة..
 بنعرف فيها ناس وتغيب
 وقلت ويرضو هفضل أقول
 «نصبي وانتي أحلى نصيب»
 فسيبي لربنا الترتيب..
 وادعي في يوم يسوء ظنك
 ده أنا والله يومياً.. بكلم وينا عنك



5- شارع زهرة البستان

«الحكاية الأولى»

شايفك هناك.. شايفك هنا
شايفك في كل الأمكنة
ويحس ضلك ع الحيطان
ويحس نفسك في الهوا
مع إننا.. ما إحناش سوا
ويشم ريحتك في المكان رغم الغياب
وكأني سامع خبطتك على كل باب
أنا عندي متلازمة حنين.. عندي اكتئاب
عحتاج وجودك جنبي مش عحتاج دوا

أنا كنت مش فارس في حلمك أو بطل
 ياخذك على حصان الخيال ويطير بعيد
 إنسانة عُدتها إنها.. عاشت حياتها لوحدها
 إزاي يصلح قلبها لإنسان وحيد
 أنا كل يوم الصبح بترجى الزمن
 ويَبوس إيدين الصدقة تتقابل بقى
 أنا كل يوم واقف قصاد المشقة
 واقف حياتي بتتهي بتصوير بطيء
 واقف بفكر هعجل إيه ف باقي الطريق
 وإزاي هقضي حياتي وانتي بعيد كده
 عارفة إني حبيبتك أوي ومتأكدة
 بس انتي فاض بيكي وخلاص
 قلبك قسي..
 وقيت مجرد شخص ممكن يتسي
 يشهد عليا الشارع المليان
 شوكك جرحني يا زهرة البستان
 فاترينة فيها الدبلة والفستان
 نخلينا نفرح قاني طيب والبسي

يشهد علياً القهوجي ف نفس المعاد
وانا بطلب ٢ شاي حليب رغم الفراق
يشهد عليا الكبيراه
إزاي بَدَّاري قصاص عيون الناس وجع
باين أوي

وازاي بقيت من اجتماعي لمنطوي
وازاي بقيت شخص انغزالي
ومنهمزم وماليش طموح
وكأني جسم وناقصه روح
وكأني بيت بس اتهمجر
زي الخريف ما يعدي فيموت الشجر
زي الشتا ما بيعجي شاييل ذكريات
زي الهوا ما يسب عل الشبابيك تراب
م المستحيل نرجع صحاب
فما تعرضيش عرض اترفض قبل النقاش
يا نحب بعض يا إمام الأول بلاش

قَصُرَتْ آه قَصُرَتْ .. أَهْمَلْتُكَ كَثِيرَ
وَقَسَيْتُ عَلَيْكِ وَكُنْتِي رَاضِيَةً بِقُسُوتِي
دَلُوقَتِي نَقْطَةً ضَعُفِي هِيَ إِنَّكَ بَعِيدَ
بَعْدَ أَمَّا كَانَ حَبْلُكَ دَهْ مَصْدَرُ قُرْتِي
دَلْعَتِي رَاجِلُ قَلْبِهِ كَانَ زِي الْعِيَالِ
وَقْتُ أَمَّا يَغْلُظُ كُنْتِي يَا مَا تَفُوتِي
يَا خُسَارَةَ دَلْعِكَ نَيْيًّا عَلِمْنِي الْبَيْتَ
دَهْ مَا كَانَتْ بَعْدَ دَهْ جُزْءٌ مِنْ رُوحِي أَتَبْرَ
دَلُوقَتِي بِيَكِي لَوْحَدِي وَأَنَا تَحْتَ الْمَطَرِ
يُمْكِنُ نَزُولُ الْمَطَرَةِ يَمْسَحُ دَمْعَتِي

أَنَا كُنْتُ عَصْبِي وَكُنْتُ مَشْ فَاهِمٌ .. وَكُنْتُ
وَحَاوَلْتُ أَتَغَيَّرُ كَثِيرَ لَكِنْ فَشَلْتُ
كَانَ حَالِي مَائِلٌ بِسَ فِي الْبُعْدِ اتَّعَدَلْتُ
وَبَقِيْتُ بِقَدَّرِ قِيَمَةِ النِّعْمَةِ وَيُشَوِّفُ
مَشْ قَصْدِي أَنْحَجَّجَ وَأَبْرَرَ مَوْقِفِي
وَلَا قَصْدِي أَلَوْمَ الْحِظِّ وَأَعْتَبَعَ الظُّلُوفَ
أَنَا جَائِي أَقُولُ أَرْبَعَ حُرُوفَ

أنا جيت أقول كلمة «بحبك» فاسمعي
لو عايزة تمشي أنا مش هلو ملك ع الفراق
حقك.. لكني بجد عايزك ترجعي

حقك علياً أنا بعذرلك ع المشاع
أنا قلبي مش حمل الوداع
ولا حمل إنك تكرهيني ونفترق
ضيقنا وقت نلوم في بعض ونشتكي
وعلى أما فوقنا لنفسنا المركب غرق
مش جاي أفتح في القديم
ولا جاي أقلب في اللي فات
ولا جاي أقول وأحكي حكايات
ولا عندي طاقة أشرح سبب لي احنا فيه
ولا حتى عارف هعمل إيه
ولا حتى يستعطف مشاعرك ناحيتي
إديني فرصة جديدة ترجع وأوعدك
المرة دي أنا مش هضيع فرصتي
إديني فرصة أنا وانتني نتقابل يجوز

لما تشوفيني تشوفي إنسان مختلف
أيام زمان أنا كنت بنسى الاتجاه
دلوقتي ماشي في مسكنك زي الألف

راجل ويغلط والغلط مُنة حياة
وان كان زمان مايهنيش جبك
خلاص بيهمني .

فيا طمني
سيبي الي جاي لربنا ومايهمكيش
عابزك تساعي وتصفي بس
وتعرفي..

إني في غيابك بنظفي
وكدبل ومش بعرف أعيش
وانك أمل قلبي في حياة بؤس وشقا
وانك الي كان مهمل وعصبي خلاص بقى
إنسان جديد... محتاج لايد تتمدله
محتاج لواحدة تكمله
محتاج لإيدك تعدله.. وتحطه تاني عل الطريق

وساعتها مش محتاج لشيء
وساعتها ممكن أعدي ع الشارع وأنا
باصص لنفس القهوجي وبضحك وأقول
إثنين لمون.. مش شاي حليب
يسألني باستغراب يقول غيرت ليه
فتردي انتي تقولي آهو قسمة ونصيب
مكتوب رجوعنا على الله حالك يتعدل
ونعيش ونفضل مرتاحين
أما أنا..

فانا لسه مستني الرجوع لو بعد حين



صاحبة العمر

كان حنين.. بس عصبي
قلبه طيب بس دبش
قلبي كان مربوط ف قلبه
زي ما تقولي بكلبش
كان جدع لكن غريب
والنصيب يفضل نصيب
إيد بتمسك إيد تسيب
مين مسك حاجة وما سابش ١٩

سبته مرة اتنين تلاقه
قلت يمكن ينسى طبعه
كنت من حبي وغبائي للأسف

خاتم في صابحه..
مانرو حيش لفلانة حاضر
إنطمي علاقتك معاها
كنت بخسر ناس عشانه
وكان مدخلني ف متاهة
وكنت بعمل ألف حاجة
خارجة عن إيدي وإرادتي
قلبي طيب كان مآمن
يبجي موج الخوف فأوطي
كنت صابرة ومش مكابرة
ومش بعاتب فيه وأعانده
زي ما يكون حب واحدة
ذلها وشغلها عنده

كان يهدكيان طموحي
وكنت أنا ف ضهره ويسانده
وكنت جنبه ف كل شدة ومستعدة أعمل كثير
أيوه حبيته بضمير

بس كان إنسان أنا..
زي ما يكون شخص تالي
حد مش زي اللي شُفّته..
وكنّت حياء في البداية
شخص مش موجود معايا
شخص مش مهتم بيّا..
شخص مش خايف عليّا
شخص أنا وجودي في حياته
مش مهم ومش ضروري
هو مش حاسس بدوري..
وكنّت مش حاسة بوجوده
شخص محتاجني ف حياته وقت ما يسمح له موده
وانتي أقرب صاحبة ليّا وكنتي شاهدة ع اللي دار
واني وقت ما سبته يمشي.. خدت وياكي القرار
وانه عمره ما كان مناسب ليّا ولا ينفع حبيب
وانها مأساة تلخص رحلة الـ «قسمة ونصيب»
وانه كان مكتوب مقدّر

مين يا صاحبة عمري يقدر..

يبقى شايل همي زيك

وأحكي وياه بالساعات

هم مكتوم مش بيطلع..

غير في قعدات البنات

أخت مش من ابويا لكن

زي ماتكون بنت أمي

همها في الدنيا همي

وعمرها ما بتشتكي

فيه كلام مايتحكيش

وياها بس بيتحكى

صاحبة العمر اللي فعلاً

تبقى ضهر ف ضهر ليا

لما كل الناس تسييني

مش بيغضبي إلا هي



القسم الثالث

قصر الكلام

(1)

العالم ما فهمش حكايتك
ده طبيعي عشان قدرك ساخر
بتحارب نفسك في مرابتك
ويتخسر نفسك في الآخر
إنسان بيمثل دور باهت
في دراما غريبة وفيلم مل
فيه ناس مشيت في النور تاهت
وفي ناس فضلت أبطال في الضل
وفيه ناس ولا زيك ولا زيي
عاشين وخلاص من غير أحلام
ناس روجهم خام
ناس مش أبطال.. ناس

عايزة تعيش أبسط عيشة
ناس آخر اليوم عايزه تمدد
وتريح وتشد الفيشة
من غير ما تشيل هم الأيام
ناس أنصى طموحها تعيش في سلام



(٢)

انا زي الرتم بزيد ويقل
وأطلع وأنزل وانا مش داري
كل اللي بيحصل تكراري
وكأني بقيت محبوس ف كابوس
وسيناريو اتعاد مليون مرة
وكأني في دايرة ويتمنى
إني أخلص.. أو أخرج بره
فيه ناس لو زهقت تتخلي
وفيه ناس بتكمل مضطرة
فتموت زهقان علشان لو ميببت
الدنيا هتخرب وهاشعب
فتكمل رغم ان انت تعب
وبتفضل مش عارف تهرب



(٣)

كان عقلك فين وانت بتدي
قلبك للناس اللي بتأذيه
ماسألتش نفسك كل ده ليه ؟
وازاى فرملت في إحساسك
ومشاعرك ببساطة شديدة
فدخلت ف غيبوبة جديدة
وبدأت تكون ساذج مدلوق
وكشفت كروتك للدنيا
كان خيط دخان مسحك بهدوء
ودخلت متاهة ورا الثانية
من كتر ما كان واحشك
إحساس ..
تتحب وتعشق زي الناس
قلبك بيدوق من نفس الكاس
واتعلق من أول ثانية

ويرغم إن الحوادث واحدة

وان النهايات دائماً بتيان

قررت تكمل بس عشان

عمر النبي آدم ما يعرف

إزاي إحساسه يتحول

ولا عمره ميعرف إيه الغلظة

غير لما هيعملها الأول



(٤)

الصبر جميل ..

والحزن إن طال وبقيتوا أصحاب

بكرة متصاحب على أفراح

شوف فيه كام شيء من إيدك راح

حسيت إنه نهاية العالم

والعالم مُر .. والساعة ف إيدك

فضيلت تمشي بدون توقيف

وكانه يادوب كان خدش طفيف

علشان تتعلم درس مُهم

إن انت وقعت علشان تعرف بتقوم إزاي

وانك مجروح علشان تفهم .. إنك هتلم

وان الي خسرتة خسرتة علشان ..

تكسب بعدين أحسن بكثير

الصبر جميل ومفيش داعي

إنك تستسلم للتفكير

سيبها على الله يمكن تمشي
وتلاقي ف بكرة حاجات أحلى
العسل اللي هيوصل إيدك
لازم تسبقه قرصة نحلة

حاول تستمتع بالرحلة



(٥)

فكرت كثير.. آخذ موقف
وأهرب من نفسي وم العالم
والزحمة اللي بتشغلي في راسي
أنا دائماً بلاقيني بشغيط
لو عايز أوصف إحساسي
جوايا الطيب والشرير
والباهت والواضح جداً
جوايا الغامض والصامت
والعصبي اللي ف مالطة بيدن
مش عارف أهرب مني إزاي
ولأ ههرب فين يعني إن قررت
كل اللي أنا عارفه إن أنا فعلاً
كان قلبي سليم بس اتغيرت

فكرت كثير آخذ موقف..
وأخذت الموقف إ؟.. لا فكرت



(٦)

فيه ناس في حياتنا اليومية
مصدر للطاقة السلبية
يحبوا يشوفوا الناس تايبة
وقلوبهم يامته ومطفية
الناس دي عيونهم مش بتشوف
الناس بقيمتها الحقيقية
«ناس متبينة ثقافة الهد»
ويموتوا إن شافوا الميزة في حد
فتلاقي الناس دي بيتقدوك
ويهدوا كيانك وطموحك
الناس دي بتسحب من روحك
ويتطفي النور اللي ف ذاتك
فبلاش تسمعهم وحياتك
خليهم ورا ضهرك وامشي
ماتردش حتى إن جات سيرتك
اللي مايعرفش يكون زيك
هيعيش بس يشوه صورتك



احكي... بس لو انت عارف
 انهم سامعين بجد
 اوعى تحكي لاي حد
 خلي سرك ليك لو حدك
 وان ضروري تقوله قول
 احكي للشخص الي دايما
 يسمعك من باب فضول
 شخص يستوعب مشاكلك
 مش يقدملك حلول
 شخص يسمع لحكاياتك
 دون ما يقطعها بمناسبة
 شخص ترغي معاه وتهدا
 شخص يدخل سيبا حزنك

دون ما يزهدم المشاهدة
دون ما يقطع كل كلمة.. بألف حجة وألف رد

إحكي.. بس لو انت عارف

إنهم سامعين بوجد



(٨)

كل يوم الصبح تصحى
والحياة بتلفيك
كل يوم في ناس بتنجي
وناس معاك بتسيب إيديك
كل يوم تنزل عجلة..
كل يوم تركب في قطر
كل يوم بتحط نقلة عند آخر
كل سطر
كل يوم نفس الأماكن والمشاعر
والدواير
نفس ألوان الستائر
نفس تقسيمة الساعات
بكرة بقى زي النهارده

والنهار ده بقى اللي فات
كل يوم نفس الحاجات
وانت محبوس من سنين

هو ده اللي اسمه الروتين



(٩)

كان شكلك طيب.. وحقيقي
كان قلبك أبيض يسامح
دلو قتي بقيت إنسان غيرك
إنسان من غير أي ملامح
مش عارف بكرة من امبارح
ولا عارف معنى لأيامك
ولا شايف أحلام قدامك
ولا لاقى طريق تهرب منه
ترجع لحياة كانت أهذا
من غير ولا خيرة ولا مناهدة
من غير ما تحس انك تايه
أو كنت سليم بس انكسرت

من غير ما تحس انك فعلاً
كان شكلك طيب وانغيرت



(١٠)

تساهل.. ما انا ياما نصحتك

وفضلت تأمنه وتحكيه

كان صاحب يشبه لمقولة

«ابعد عن شره وغثيله»

كان صاحب لكن كان صاحب

إيدك لطريق مفروش أحزان

كان صاحب عمرك بس أهر كان

وان باعك صاحب.. بيع عادي

خليك هادي..

في الدنيا حاجات ما بتصدقش

غير لما بتحصل ويتعاش

العيش والملح اتباع يبلاش

فبلاش تزعزل على سعد رخيص

وبلاش قديله مساحة بجد

فيه ناس بنقول كانوا أصحابنا

لمجرد بس إننا بنعد



(١١)

لو شاكك أوي في المتبقي

وخلص هتفلتر وتنقي

وتصفي الناس اللي حايبهم

م الناس اللي خلاص هتسيهم

دقق من جوه تشوف بوضوح

ده لأن الجارج أحياناً

بيحب يعيش دور المجرور

فافتحلك قوس م الوحدة يساع

الي هيتنسى والي هيتباع

والي هتمضيله قرار بوداع

وياريت القوس يفضل مفتوح



(١٢)

مش عايز حد يقول إحكي
علشان مابقتش بلاقي كلام
ولا عايز حد يقول مالك
علشان مكذب وهرد تمام
كلنا من جُزه اتعورنا
وكبرنا ونُهنّا وكُشّرنا
مع ذلك بنبان في صورنا
إننا عايشين أجمل أيام



(١٣)

أنا عايز أهرب م الشارع
م الناس والدوشه وأي زحام
أنا عايز أهرب م التفاصيل
م الليل والضلمة وم الأحلام
من كل الحزن المتناري
من كل الرجوع التكراري
من كل الصمت الإجباري
والخوف الخام ..
أنا عايز أنا م يمكن أنسى
أنا عايز أنسى ويمكن أنا م



ولأني بقيت ممدوم فـ الناس
 مكتبهم عـ الهامش برصاص
 مع أول غلطة لأبي فلان
 مسح من بـكره بأمتيكة
 مش قلة ثقة فـ الناس لكن
 من كتر ما قلبي من الناس شاف
 أنا لسه حقيقي بجد بخاف
 أتقرب من حد وأجرب
 وأكتب فـ حياتي الناس بالجاف



(١٥)

يا تكون فارق.. يا تفارق
رغم إنك فـ الحالين
عمر كـ ما تكون مراتح
ودعّ واتوجع فترة..
أحسن ما تعيش
يتخبط على باب
ما هو مش مفتاح



إلمسيني إن مت جايز
 فيا روحي ترد تالي
 ليه بهبك بس داينا
 فيكي حاجة مخوفاني
 فيكي شك وفيكي حيرة
 وفيكي مني حاجات كتيرة
 وكل شيء أنا عوزته فيكي
 وكل حاجة فيكي فيا
 زي ما نكون فولة قسومت
 نفسها ومش دي القضية
 القضية إني حابك
 وانتني حابة ما أحبكيش
 عشتي فيا فمئت فيكي
 فموتي فيا عشان أعيش



(١٧)

دموع البنت مابتعرفش ترتب

بتنزل منها عشوائي

ولو دقت هتلاقي

وجع مركون بقاله كثير

وجرح قديم وحب بجد

دموع البنت لو نزلت

بتنزل واخدة دايمًا حد

نزل من عينها وخسر ها

يا إما عشان عيرف غيرها

يا إما لإنه ماعرفياش

وماعرفش إنها حباه

وصعت البنت مش معناه

بيان البنت مرتاحة

وعارفة تعيش مع الأيام
وعارفة تقوم وعارفة تنام
لأن البنت يا سادة
متمفضل برضو كالعادة
سؤال وعلامة استفهام



(١٨)

أنا فياً كسور ما بتجمعش..
مع ذلك عيني ما بتدمعش
ووصلت للدرجة تغليني
كل اللي بيتزل من عيني
فامس كات حاجة كبيرة زمان
لكن دلوقتي خلاص ما بقتش
وعشان كده من فترة طويلة
أنا عايش بضحك أهو وما بكتش!



(١٩)

أنا زي المترو بشيل..
جوايا ورايح جاي..
أنا ميت جدًّا لكن..
من بره بيا نلك حي..
فد تشوفني بوش متداري..
كل الأحزان بستاره..
وإن عوزت تشوفني كويس..
لبس قلبك نضارة..
أنا وانت وغيرنا وغيرهم..
ناس موتهم تفكيرهم..
على نفس الحبل بنمشي..
وينرسم نفس الخط..

أنا خائف جداً مني..
أنا أبعد ساكن عني..
فد بقيت عايش ولكني..
زى الأموات بالقلب



(٢٠)

جريت تنام زعلان منك ..
أصل أنا ع الحال ده بقالي كثير
كل ما أقول بي بتوه مني ..
ورفكر أبطل تفكير
لكن بلاقيني لقيت نفسي
ضايع من نفسي فذالف مكان
مهما أعمل علشان أراضيني
فذاآخر برضو بنام زعلانا



كل حاجة ناقصة صوتك

ناقصة صوتك..

ناقصة سيرتك..

ناقصة تكشيرتك فغيرتك

ناقصة ريحتك ناقصة روحك..

ناقصة حضنك

ناقصة خدك لما يتحول لـ ورد

ناقصة نفسك لما يلمس..

كف إيدى فوقت برد..

لسه حتى القهوة مرة

فانتظار سُكَّر شفايفك..

غبتي فجأة وبسبتي قلبي

فكل حاجة شايفها شايفك



(٢٢)

أنا وأنتي دائماً فـ خلف الخلف ..
بتبعد فـ نتعب .. تقرب نخاف ..
فلا مَني جيتلك .. ولا مَني غبت ..
ولا مَني حاضنك ولا مَني سبت ..
لا حصّلت يوسف ولا كُتتي مريم
ولا كُتتي وردة فـ سيني العجاف ..
ويندهني أول بعادي الحنين ..
أجيلك تصدي .. أصدك تخيلي ..
ندور دائرة فيها الأنا والأين
أميل لو غمّي .. أميلك .. تميلي ..
ولا عرفت أسيبك ولا عرفت أحبك
ولا عرفنا حتى نحكم قدرنا ..
ولا حتى ذنبي ولا حتى ذنبك ..
خبطنا فـ بعضنا فـجأة انكسرنا



(٢٣)

رسمتك صورة مكسورة..

وروح عايشة بدوش إزاز..

لقيتك غنوة غنيتك..

وصوتي صريخ وخوف ونشاز..

يا عايشة فكل شيء فيا عشان أنا أموت..

يا سايبة فقلبي مية درويش يلقوا عيونك المملوكوت..

يا كلمة بقرلها وأنا ساكت.. بشيء من الحروف..

يا حلوة فكل عين بتشرف..

جمال صورتك ماهوش لايق..

عليًا عشان أكون برواز



الجاكّة..
 والروشته..
 الساعة ستة وصوت حلّيم..
 والمهدى والنوم..
 والقميمش المش مقلّم..
 والوجع جواك معلّم..
 زّي شَرخ فديت قديم..
 الشّتا بيخبط ذكتفك..
 والحنين كتّف دراعك..
 حتى لانت مش فـ صفك..
 حتى قلبك مش بتاعك..
 مبيت نفسك للشوارع..
 والقهاوي والحكاوي والصحاب..

حللك المربوط فنجمة..

متدارية فد السحاب..

كنت متاخذ خزانة وكنت متاخذ غياب..

واتسألت عن اللي جايلك..

قُمت باصص للي فات وابتسمت عشان تداري..

قُمت ميت م العياط



(٢٥)

دلوقتي انا فعلاً مش عارف..
أنا عايز إيه..
أو محتاج مين..
بني آدم وفي حالة فريب
من البنى آدمين..
العالم ضيق.. أو مزعج
أو شكله يخض
مالك؟ .. فينك؟ .. زعلان من إيه
مش عارف أرد
كل الأسئلة مالهاش إجابات..
كل الإجابات مالهاش قيمة..
قلبك مافيهوش حيل يتكلم
روحك مافيهاش حنة سليمة

ومفـيش إصـحاب واقـفين جنـبك
غير ذالكـام صـورة الـي فـاكرهم
لا بتـعرف تنـظمن بيهم..
ولا عـارف تـعرف نـامـن غيرهم





هنا القاهرة..

الفصل الأول

” كانت بلاد مفيهاش شجر ”

الساعة دقت والقلوب واقفة
يا بلاد لا تعرف لين ولا رافة
فيها العيال يذّوا السنان للشمس
يسنة عروسة تروح وترجع ناب..
وسط البلد.. قفلت علينا الباب
بنده لوحدي والميدان خرسان
واقف متبث كيف عمود خرسان
دايس زنادي والرصاص خلصان
خلص الرصاص بالغلط
على ناس مكاتش تموت..

هنا القاهرة..

الدنيا واقفة والبشر بتغوت
مناشير يا أهل القاهرة مناشير
وقلوب ما تعرف غير طباع أمشير
عيل بيرسم بنت بالطباشير..
على حيلة مايلة في فصل كله سكوت
دخل المدرس قال قيام وجلوس
وانا زي خايب رجا واتلم على متعوس
الحظ صاحب جدع.. لكنه ما صاحجنش
اطلبها بك ألاقيها ترجع شيش
اطلبها شيش عن شك تطلع بك
ما يقتش تفرق.. المهم نعيش

إيدك في إيدي يا طيبة ياللي
بابك ما بيردش كسير القلب
كتفك في كتفي نسعي ونصلي
ونبني بيت ونربي شجرة وكلب
أنا المزارع صدري أرض وغيط
راجل وضله احسن كثير من حيط

بينه وبينك حُرم إبرة وخيط
الضم سنيني في عمرك المقسوم
تلاقيني وقت ما تعطيني قاسوم
تلاقيني وقت ما تحتاجيني الفاس
إيدك في إيدي يا طيبة يا اللي
عز الحبايب عندي.. أغلى الناس

ضهورك في ضهوري هنبني ونعمر
الشجرة تكبر تبقى ضل البيت
وليتي وجهك ناحيتي ولت
وفردت قلبي وقولتلك نامي
واتلفي ييا لجل تدني
الفجر يذن تبقي عصفورة
تشرب حنان الدنيا من كفي
يشبع جعان القلب بالضممة
اللحمة مهما تقل بتكفي

أربع حيطان شايلين هنا وأظن
شايلين كلام عشاق بتساير

شايلىن غنا.. عايش فى كنىة بن
والحب حلو كأنه كاس داير
اشرب فى صحة ضحكك وانتشي
تقوليلي عيب اختشي..
وانا أقول كمان وكمان
هو اللي داق ضحكك هيحس بالحرمان؟
هو اللي عاش وياكي يوم..

زي اللي عاش اتنين
زي اللي عاشلك دهر
هو اللي كانلك وجع..
زي اللي كانلك ضرر؟
البدر لجّل يتم محتاج إسبوعين
وانتي اللي بدر تمامه طول الشهر

سألوني عنك قلت أرض الله..
واسعة وبسيطة وقلبها حنين
سرقت مشاعر قلبي بالإكراه
لا البعد هان ولا قُرْبها هين
يا بلاد ما تعرف غير فلان باشا

وفلان وزير وفلان ده صاحب قصر

كان مين زمان يقدر ويحبسها

دلوقتى مين لو ساعة يطلق مصر

صبوا عليا الدم حموي..

يمكن ضميري يموت وأبطل أفوق

نزلت صاحب حق حموي

وقالولي أعلى ما في خيلك سرق

يا مصر يا مولد مالوش صاحب

كل المبادئ فيه بضاعة في سوق

سألوني عنك قلت بعشتها

ضحكوا عليا وقالوا بص لفوق

ضحكوا عليا وقالوا يا عيني

الواد بايته انجذب والدروشة واخذاه

الواد ده صابه التلف واتمس يا ولداه

سألوني ليه بتحبها ما تقول

أنا قلت فيها العجب أو فيها شيء لله



حياة الناس

حياة الناس بتغير بفعل الناس
وفعل الوقت والأحداث
وفعل التجربة والهم
حياة الناس وجع لو لم
هتحول حياة ماسخة
حياه ناقصة الشجن والروح
طبيعي تعيش بحبة حزن
مش بيروح
طبيعي تعيش بشيء ناقص
عشان وهم الكمال ياخذك
وتعطي السكة دي لوحذك
وترجع منها لوحذك
تشوف الناس بعين باردة
وتحس وانت مش حاسس

مشاعر ناحية المحضون
مفيش في الدنيا شيء تقدر
تقول ملكي
مفيش في الدنيا شيء مضمون
في هذا العالم القاسي
يا تتصرف ككل الناس
يا تتصنف غريب مجنون
مفيش في الدنيا حد بيمشي بمزاجه
مفيش في الدنيا شيء هتقولهُ كُن هيكون
مفيش في الدنيا حد سليم
طبيعي تعيش بجرح قديم
من القصة اللي كان نفسك
في يوم تكمل
لكن خلصت على خوانة
طبيعي تعيش في قلبك
حثة مكسورة
وضحكة حزينة في الصورة
ووردة حب دبلانة
طبيعي تعيش بسر كبير
درايته في قلبك المفقول

عشان مش فارقة مهما تقول
ومهما تعيد ومهما تهاني
وتجرب
وتبعد حبة وتقرب
وترجع من هناك موجع
مجرد حزن واتجمع
في ضحك عشان يداري دموع
ماحدث لاحظ الموضوع
ماحدث حس إيه جواك
ماحدث حس معنى الوقفة
في الشباك
وطول الانتظار والصبر
وأوضتلك لما تتحول
لضلمة قبر
وقلبك لما يبقى كادوه
لناس ساييته متعلق
بقشاية حنين وغياب
طبعي ساعتها تصيح
زهم كداب
يا عم الطيب الغلبان

في عالم كله ناس واكلاك
عليك وقت أما يبقى عليك
معاك وقت أما يبقى معاك
تعالى ويصع الدنيا
من الناحية دي ووصفها
تعالى ويص الناس اللي تدي
وعود وتخلفها
تعالى ويص على زيفها
وشوف الناس وتخاريفها
تعالى وشك في اصحابك
وأهلك واللي بتقول
إنهم حواليك
وتعالى ويصع الدنيا
بقلبك لا.. مش بعينك
وقطع وشك المرسوم
ووزيهم بتضحك ليه
يشوفوا ضحكك ييكوا
يشوفوا دمعتك تنزل
فيفتكروا إنها إفيه
وتسمع ضحكك على حزنك

وتسمع همس فيه سيرتك
 لبانه ف كل بوق يومين
 تعالي اسأل هتعمل إيه
 وهتروح فين
 وليه قسموا الطريق نصين
 يا إما يمين يا إما شمال
 فتصيح زيهم تمثال
 تقول عادي.. تقول والله انا كويس
 تداري الحزن منك فيك
 وتضحك في الصور واتاريك
 وصلت لسقف أحزائك
 ما عاdash في قلبك الطيب
 مكان ياخذ زعل تاني
 وتبقى يا عيني وحداني
 برغم إنك في وسط الناس
 عشان فعلاً حياة الناس
 بتغير بفعل الناس



افتكرتك وابتسمت

النهارده ف وسط يومي..

انتكرتك مرة واحدة

وابتديت أسرح في قصة

فيها واحد حب واحدة

واحدة كانت كل حاجة

بتي جايز.. أختي جايز

صاحبه وقت مايقى عايز

حبي وقت الفضفضة

وردة بتفتح بركة

قطعة لسه منمضة

بنت وقت ما أخاف تضم

ضهر أب وقلب أم

حضنها جاكيت بكم

وسط دنيا مبردة

بس ده النص التمام
ماشي بالشكل الجميل
بس كل نهار بيطلع
في النهاية بيسقى ليل
قلبي كان مقبوض وماشي
بس عمره ما جه في باله
كنت بسهر كل ليل
قلبي شايف حالها حالة
كنت قرئت أبقى كاتب
إسمها في موبايلى «أنا»
عمري ما اتخيلت إن القصة
تقلب عكسنة
عمري ما اتخيلت إن الوردة
هتشوك إيديا
واني هنزف دمي كله
بس هنزف من عنيا
واني هبكي عشان سابتنى
كل يوم ساعتين ثلاثة
واني هبقي في ذكرياتها
زني زي خيال مآنة

وان نقطة ضعفي هي
والي متعلق بخدعة
وانها ولا حب عمري
وانها ولا صاحبة جدعة
وانها ولا أي حاجة حلوة ينفع تذكر
رغم ده نسييتني هي ولسه قاعد يفكر

كنت بمشي ف كل حنة زي عيل فجأة تاه
بسأل الشارع عليها
بسأل الجرسون عليها
بسأل الأيام عليها
بسأل الناس والحياة
عقلي كان قُرب يشت
ركنت مش بعرف أنا
والبجع لو سبيه ست
بيبقى الدنيا السلام
يعمل إيه الراجل ف قلبه
لما واحدة بتكره؟
هي ناسية وكل شيء
حواليه بماضيه يفكر

ع المخلدة سابتلي شعره .
 وف المكان سابت ويحتها
 في المراية ييص بلمح
 لون عنيتها وتسريحتها
 في زار في قميصي ناقص
 هي كات متركبه
 لسه بيني وبينها شعر
 أنا كان في بالي إني أكتبه
 اللي قالوا كويسين
 في البعد كانوا ييكذبوا
 كلهم عاملين تمام ..
 كلهم عايشين في وهم
 زي أي جريح بيضحك
 بس بعد ما صابه منهم
 بس إيه ف إيدهم يا عيني .. غير بيانوا كويسين
 بس مهما الوش يضحك فيه أثر تحت العينين
 فيه سهر وحزين وكسرة وحسرة باينة على الوشوش
 فيه وجع ما بنحكيهوش
 في حنت في القلب ضلعة وفيه وجع في الروح سكن
 صعب تبقى صف أول في العلاقة وتترك

صعب إحساسك بإنك..

كنت لعبة ماسكها حد

وانها كانت بتلعب بيك وقلبت لعبة جد

فيلم في البطلة واحدة

ماشية بتكسر قلوب

أيوه كنت بحب واحدة

حبها يكفر ذنوب

واني خارج روحي رايحة

من العلاقة دي واتقسمت

واني بروضو كسبت نفسي

مهما في البعد اتهممت

كنت بفتكرك واعيط

والنهار ده في وسط يومي

افتكرتك وابتسمت



جواب فرحة

بسيطة وقلبا حنين.. وروحها جميلة بزيادة

في وقت الشدة سناة

ووقت الحزن بتطبطب وبألفها طويل

هدوءها جميل.. وذوقها ملوكي لو تختار

رفيقة الدرب والمشوار

وصاحبة عمري وحبيتي

وأكثر حُسن فيه برتاح

دي دخلت قلبي تقريبا

بدون مفتاح..

وكانت أمي لما اتعب

بتسهر جنبي ماتسبش

تسمت معاه ملح وعيش

وبينا حاجات لا هو صفها ولا أحكيها

كفأيه اني بدأت أشرف جمال الدنيا

بعينها

وشُفت الراحة على أيدها

ورُحت قطفت عناقيدها ودُتت حلالة الأيام

معاها عرفت إن الحرب عادي ينتهي بسلام

وان الحزن شيء أصبح من الماضي

واني بقيت خلاص راضي

وراني ارتحت

لأول مرة أمسك إيد وتطلع بيأ فوق مش تحت

لأول مرة أحس الحب مش كسرة قلوب وخناق

لأول مرة بدرك قيمة الأشياء

وأشوف الدنيا وكأني.. مادُتتش حزن قبل الآن

لأول مرة أنا وأنا عادي مش قلقان

ومش زعلان عشان متساب

ومش مخنوق بدون أسباب

فيه ناس ف حياتنا روحهم باب

بيفتحلك تعيش في أمان

حياتي ما شفتهاش قبلك.. معاكى لقيتها بالألوان
وشفتك فجأة حبيتك.. ما خدتش وقت أفكر فيه
ما خدتش رأي حد بنيت خيانتنا عليه
بهبك بس مش عارف بهبك ليه
جواب الفرحة كان باين من العنوان

بهبك من زمان جدًّا.. ومن قبل الزمان بزمان



الحرب خلصت

زي النهارده ..
الدنيا كانت مش كده
كل الحاجات كانت بسيطة بشكل ما
وأنا كنت باصصر للسما
وكان نفسي أشب
كان نفسي أحب
وأدخل معاكي في حرب
سيب وأنا سيب وأخاف
وأحزن وأفرح وأتجرح
وأتعب والسم
حدوة من حلاوتها مش ممكن تسم
مشهد جميل وييتختم
إنك بعيد.. وأنا مش سعيد بالفيلم ده
زي النهارده الدنيا كانت غير كده

بتحبيتي ١٩

الحب عمره ما كان سؤال و يتسأل
كان وزن روحي أخف بس خلاص يتل
يجنون معلق نفسه بهبال من هوا
من إمتى قلبي معاكى كان هادي وعقل

ماحسبتهاش... ومشيت وراكي بدون ما أخاف
وزرعت فيكي سنين سمان طرحت عجاف
أنا مش بلومك أو بلوم حتى الزمن
أنا كنت دافع كل حاجة مقدما
راضي المقابل مهما كان راضي التمن
ومفیش بجدل في القصة ومفیش اختلاف

أنا م الي فاهمين يعني إيه نهايات حزينه
وازاى ساعات مايكونش فيه شيء يتعمل
الخلو عمره ما كان هيحل إن كان كمل
أنا عارف إنك عايشة وحدة وشايلة هم
وفيه حاجات بالنسبة ليكي بقت أهم
وانك ما صدقتي إن جرح الماضي لم
وان الي فات من نار حنين أصبح رماد

أطلال الحب جميل صحيح لكن مضي
وان الحسارة خلاص بقت متعوضة
وان الحياة من إيدي فعلاً شدتك

أنا بس جيت الليلة أفسد وحدتك
وأسهر معاكى لحد ما يبانلك نهار
ومتعز مينى على الفطار ..
وأنا معزماك على فتجانين قهوة ف مكان
غير اللي كنا أنا وانتي بنروحهم زمان
ده على اعتبار يعنى إننا اصحاب وبس
وعن اقتناع بنهاية الحب اللي كان

العشرة لو هانت تهون أزاى حرام!؟
علاقات كتير بدأت وتخلصت باحترام
وأنا صُنت غيبتك في الفراق ما رجعتكيش
ولا كلمة طلعت مني عنك أو أسأت
وأهو عدى وقت ..

والحرب خلصت من زمان ..
وأنا أهو سعيد بالشكل ده
زي النهارده الدنيا كانت مش كده

يارب ابعثنا علامة

ساعات من غير سبب يزعل
و قلبي بيتقبض وأدبل
وأحس بشيء من الإحباط
وأحس أن البشر «فترات»
وأحس بأنني مش فاهم
ومش عارف سبب زعلي
أحب الحاجة مني تضيع
أسيب الحاجة ترجعلي
مفیش كتالوج..
كأن الدنيا باب واحد
دخول ومفیش طريق الخروج
كأنني في سجن من غير سور
بخاف م النور
وأخاف م الزحمة قد ما أخاف
وأخاف أتساب
مهددتش في يوم أمشي

ومقفلتش ورايا الباب
مشاكلي صغيرة لكن
كثير جدًا
فبزعل بس مش عارف
سبب مفهوم
يقع ويقوم
ويفقد ثقتي في العالم
وفي اصحابي
وفي الناس اللي قالوا
بأنهم جنبي
وطول الوقت بتفاجئ
بأن الدنيا مش بعمي
وان الإكتئاب أصبح
مسيطر ع الأداء العام
فبهرب م الحياة باني
يقوم وينام
ويحرق وقت ع الفاضي
لا انا ندمان على الماضي
ولا باصص على قدام
خسرت في ناس ماكانش
في بالي أخسرهم
عملت حاجات ماكانش
في بالي أعملها

بتبدأ تنتهي العلاقات..
 إذا احنا بدأنا نهملها
 يا إما نحب للآخر..
 يا نتفارق في أولها
 بنيجي الدنيا ع الفطرة..
 ساعات تقسى وساعات نظرى
 ساعات تكبر ستة في ساعة..
 ساعات نصغر سنين في مقيش
 معيش في الدنيا قد ما أعيش..
 ومخرج منها مش واخذ
 صحاب أو أهل
 وده على فكرة شيء مش سهل
 وصعب تحس إنك ضل
 بطل لكن في فيلم عمل
 بطل لكن في دور عادي
 قتل جواك حاجات ياما
 كأنك بجره دوامة
 بتغرق.. والبشر مش طوق
 يضيق حالك تبص لفوق
 إلى الخالق.. من المخلوق
 رسالة نفس لوامة
 «يارب ابعتلنا علامة»



31 ديسمبر

أديسمبر

والطريق حيران

هو انتوا متفارقين ولا انتوا إيه بالظبط؟!

وبعدت ليه وقرت؟!

أصبحت زي السمك.. واقع في نفس الشبك

وغرقت من بدري

وبلعت طعم الهوى.. من حيث لا تدري

وسهرت طول الغياب.. بتعد أيامك

قولتلها مش هرجع.. ورجعت في كلامك

ورجعت تشتاقلها.. وصعفت يا ولداه

راجل عشان حُبها.. أصبحت عيل تاه

بتكلم الشارع.. ويتحكي للأيام.. وتغني في المنتزه

يسمع بتاع بحري

وكأنه شيء سحري.. خللك تعيش ع الأمل
 كل اللي شانك قال.. معمول لقلبك عمل
 خللاه يشوف ويطوف.. ويلف دابرتها
 واشمعنى دي بالذات يعني اللي حبيتها؟
 تخدي الفراق منها.. طال الفراق فبكيت
 تخدي الحنين عديت.. من جنب باب بيتها
 لسه المكان ليه شغف.. رغم الغياب والجفا
 لسه الشوارع دقا.. لسه الزمن هو
 واقف قصاص البيت.. بس انتي مش جوه
 وانا برضو حيلي اتحل.. من كتر ما استنيت
 من كتر ما اتنيت.. من كتر ما اتعلقت
 أنا جيت وانا ما أعرفش «أنا عايز إيه دلوقت»
 ما أعرفش إيه جابني.. أو حتى وداني
 أنا كنت جايّ عشان...
 بس انتي وحشاني..

٢٥ ديسمبر

واقف على حافة فراقك مبتسم ومنط
 هتفرق إيه لو مُت

البعد أتمى وسيلة للتعذيب
 وأنا لسه مادد إيدي يمكن الحقك
 دايمًا إيديكي عشان ضعيفة تسبب
 دايمًا لأنى ضعيف قصادك أصدقك
 يرجع وعارف إننا هنلغ نفس الدايره تاني ونفترق
 غرقان ومن كتر اللي شافه معدش ييموت لو غرق
 الضرب في الميت حرام.. فماتجر خيش إيد اللي جابلك ورد
 إسكندرية في الشتا دافية.. وانتي اللي دايمًا في الشتا
 بتكوني لسعة برد

٣ ديسمبر

كان يوم طيعي بشكل ما
 كل الحاجات في مكانها تقريبًا
 ولا شيء يقص ولا زاد
 رن المنبه.. في المعاد
 والشمس طلعت زي ما بتطلع
 والأرض لقت زي ما بتلغ
 بصيت في ساعتى وقلت

بكرة مخف

الوحدة هي الدوا ومنفيس دوا مش مُر
والوقت زي البُن .. يلمس جرا حنا تجف
وقف التزيف فتزلت .. أتمشى طيف
في زحام

أيام بتشبه للشوارع أو

بمشي ف شوارع تشبه الأيام

الساعة صبحت كام ١٩

الوقت فات ينفوت .. هيفوت وانا ثابت

ماشية الحياة أما انا .. واقف عشان غابت

٤ ديسمبر

كان يوم طويل جدًا .. مُرهق أوي وممل

إحسامي بالخراف والضياء بيزيد

ورصيدي م الأمل الوحيد ييقل

مستي أي علامة من ربنا

مستي نقطة تكون في آخر السطر

وفضلت مستني .. لكن ماجاش القطر

٥ ديسمبر

آخر معاد للقطر كان تسعة الا تلت
الشنطة نقلت؟.. ولا انا الي نقلت
مديت إيديا في قلبي مالتكيش..
حسيت بروحي بتسحب بشويش
سألوني مالك.. قلت برضو مقيش
وطفاني بعدك م الحنين ودبلت
بصيت لصورتك.. سُفّت نفسي وحيد
لا اتغير الموضوع ولا مَرَّ أي جديد
كان يوم غريب.. وانا كنت متغرب
إيدك تسب وإيديا بتقرب
هتحي بعدي إزاي ده انا قلبي متجرب
حضن الغريب.. مش زي حضني أكيد

٦ ديسمبر

الدنيا فاضية وجُوه مني زحام..
كان يوم يشبه معظم الأيام
بالصدقة بلمح بنت تشبهلك
ويحس فجأة كاني متبنج

الصورة واقفة وعيني بتهنج
ويحاول أمشي وجسمي متشنج
يرجع بقلبي خطوات لورا
ويرجلي بطلع خطوة على قدام

٧ ديسمبر

كان يوم مهم.. عشان قدرت أنام

٨ ديسمبر

ما أقدرش أقولك غير.. إن الفراق مش خير
وانا قلبي داب ع الباب.. مارضتش أبطل خبط
هو احنا إيه بالخطب ١٩..

ما بقتش لاقى حلول
ولا لاقى طب بديل

ولا لاقى صاحب جدع يمسح دموع بالليل
ولا لاقى حضن يساع ولا لاقى كتف يشيل

كل أما أشوف صورتك.. تظهر في عيني دموع
كل أما أجيب سيرتك.. بتعيط المناديل

هذا الرجوع لو خام.. هيخلي روحنا رخام
فهنتهى بشو يش..

ومن ختفي بهدوء
ويحذرك للأسف
كل الأمور بتسوء
يا تصلحي الي انكسر ..
يا تعلميني ارتاح
مش عدل اكونك باب .. وتضيحي المفتاح

٩ ديسمبر

و على مدار اليوم كان رقمك غير متاح

١٠ ديسمبر

١٠ غرز في الإيد.. من قَطَع في الشريان
هي عيش أكيد لكن.. مش برضوزي ما كان
فيه حنة جوه الروح.. بعد الوجع ناقصة
مزينة المشهد مش لايقة ع الرقصة
البنت دي مش ليك.. والكاس ده مش كاسك
كدبت كل الناس.. صدقت إحساسك
قلبك طلع كذاب.. نمت وصحيت متساب
هو الهوى غلاب ولأ الحنين داسك؟

بعد أما فاق واستاء.. م القصة دي وفكر

بص في مرأته وقال

أنا فقت متأخر..

كان حلم واتبعخر.. ما أسوأ من حلم

١١ ديسمبر

حدوتة من بؤسها.. والله تنفع فيلم

١٢ ديسمبر

١٢ ساعة بدون ما أتكلم تقريباً.. صامت

غامض وكثير غريب

١٢ ساعة صراع ممتد..

بين مسكة وبين إيد بتسيب

١٢ ساعه ملخصهم «الدنيا نصيب»

الذبله بتوسع على صابعي..

والعالم ضاق بيّا وبها

والورد اللي أنا جيته بيدبل..

من قبل ما يوصل لإيديها

وقريت الموضوع في عنينا..

وقاطعني كلامها وسكتني

والله عوتش م الفرقه..
أنا خوفي إني أتساب.. موّتني
وحاولت أقرب صدتني.. وحاولت أرتاح في البعد تعبت

١٣ ديسمبر

اتسابت وكل ما يسألني.. حد من أصحابي يقول أنا مسيت

١٤ ديسمبر

أسبوع واثنين وأنا لسه حزين..
مقسوم نصين بين ماضي وجاي
تقريباً حي.. لكن والله بموت بشو يش
لا أنا طایل اموت ولا عارف أعيش
أنا واقف ع الحد الفاصل.. بين
طعم الحلو ووجع المر
أيام بتمر
وساعات بتعدي بشكل بطيء
مش لاقى طريق.. ولا لاقى إجابة لأسئلتني

١٥ ديسمبر

مشكلتي إن أنا ولحد الآن.. مش عارف أصلاً مشكلتي

١٦ ديسمبر

ترايزة في مطعم الكورنيش

الجو الشتوي المعتاد

أغنية «كان بينا معاد»

أنباء عن حزن بيزداد وظهور تجاعيد

طبقين قُدَّامهم شخص وحيد

وكاسين قُدَّامهم نفس الشخص

والكرسي الفاضي اللي قصاده

عمره ما خلاه يشعر بالنقص

أو حتى يحس أنها غاية

طول عمره عبيط ويتعلق

بحبال داية..

طول عمره بيعشق ويأمن ويصدق

من غير ضمانات

ماهو مش م النوع اللي مصدق

إننا في حياة بعضنا فترات

١٧ ديسمبر

«أنا كنت مفكرها المطرة.. أنارها عياط»

١٨ ديسمبر

القمر الليلة مالوش طلكة

والسما بتضيق

البحر بيضحك ليه يا غريق؟

البحر صديق.. لكن بحالات

أوقات يستجدع في الأزمات

أوقات بيسيبك متربط

البحر قليل الدوق جداً

بيخشك من غير ما يخبط

ويدور فيك على أي جراح

ويدوس ع الجرح اللي انتخبط

البحر إن شافك بتعيط

عمره ما هيطلطب ويطلب

١٩ ديسمبر

البحر ساعات بيان طيب

٢٠ ديسمبر

إحساس بالوحدة بيتزايد

يوم من ورا يوم..

فيه صوت بجوايا لكن مكتوم

محتاج أصرخ وأسأل وأشتم

وأكره والعن وأهرب وأستاء

وأبعد وأشتاق وأرجع وأمل

أنا زي التلج بموت في الشمس

مع ذالك رافض أعيش في الضل

هو انتي البطلة اللي معاها الفيلم هيهلوا؟

أنا آسف جدًا يا حبيبي الفيلم عمل

ملعون الحب اللي يخلي الواحد مذلول

رينا بارادته اللي بيحكم

إن عز يعز.. وإن ذل يذل

لو قلبي في إيدك دلوقتي..

بكرة الأواردي متبدل
وهتبقى ف إيدي ومش عايزك
ولا هجري وراكي ولا اشتاقلك
حيثك من قلبي لقيتك
بتحبي الحب اللي بعقلك
إنسانة غريبة وأناينة

٢١ ديسمبر

كان أول يوم أبتي أفهم.. وأناكد إنها مش ليا

٢٢ ديسمبر

أحداث بتدور.. وأنا وانتي وليل
بيطول على طول علشان غايبة
بردان بينام في كفوف الخوف
متشعلق في حبالها الذائبة
مكسور نصين بيجوكي
متساب في تاريخك للذكرى
من كتر ما بيعيش في امبارح
بقي رافض حتى يشوف بكرة

ضميني إن كنتي مفارقائي
وخذيني في حضنك بدموعي
وان بلت قلبك كام دمة
حنيلي إن كان نفسك فيا
ما خلاص قصتنا بتحول
لحوار في الفيلم وأغنية
وأمر خالص الفيلم اللي كتبته
على صكي من كنت انا بتمنى

٢٣ ديسمبر

أنا كنت في حبك م الأول.. إبليس متعشم في الجنة

٢٤ ديسمبر

بعد الفراق طعم الحاجات مسخ..
كان قلبي أبيض شمع.. حيثها فاتوسخ
كان عرش واهي وروهم.. وحكاية منهية
مين السبب في الوجدع ؟
أيوه السبب هي
علمتها تقول شعر.. عملتني أغنية

يارب عايز حل.. إرحم عزيز اتدل
بسأل وأقولك حل ١٩
بعد الفراق هرتاح
إرميلي أي جناح.. علمني أطير أو أشب
مابتتش عايز أحب.. ريحني بالوحدة

٢٥ ديسمبر

الساعة دلوقتي.. واحد بدون واحدة

٢٦ ديسمبر

تهزب على فين المرادي
علي فين ما تروح هتشوف ماضي
وازاوي بسداجة آمتلها
أو كنت عيبط للدرجة دي ١٩
الليل بيطول ع المتفارق..
والدنيا بتمسك إيد وجعاه
رحلة معاناة
أيام اتعادت بالملي
وماحدث كان مائي ف ضلي
في الآخر كل اللي فضيلي.. دعوتي لله

۲۷ دیسمبر

أصعب إحساس ع النبي آدم.. لو فاكّر حد ينساه

۲۸ دیسمبر

زي طير عبوس بخبط

كل يوم على ألف باب

عندي أعراض انسحاب

في نزيف في الروح مؤكّد..

أدى لحادث اكتئاب

شخص آه عايش بجسمه..

كل شيء براه سليم

جرح شكله إنه النهارده..

رغم إنه تاريخ قديم

بنت دخلت فيه وخرجت..

زي ما تكون طلق ناري

كل يوم كانت بتقتل فيه وهو

ماكانش داري

كان يوهم نفسه بيها..

واقننغ بالوهم صدق
بس كانت هي عادي..
بنت مالهاش اي مبدا
بنت مالهاش حد غالي..
سهل جدًا يوم تسييك.. أو تبيعك في المزاد

٢٩ ديسمبر

بنت نتجت عن تصادم.. كوكبين كبير وعناد

٣٠ ديسمبر

كل شيء راح مهبما تعمل..
برضو هتعيش تتوجع
الي راح لو كان هيرجع..
كان زمانه خلاص رجع
عيش وفكر في الي صابك..
لم فرحك من صحابك
داري وجعك يخف منها..
عيش بتضحك للي جي
قول لكل الناس بإنك..

لسه قادر تبقي حي
شوف في آخر السكة ضي..
شوف طريق تمشيه جديد
كل إيد سابته مسيرها..
بكرة عادي تلاقى إيد
قول لنفسك ده النهارده.. وانت باصص في المראה

٣١ ديسمبر

اكتشفت بأن فعلاً.. الفراق أحسن بداية



الفهرس

القسم الأول.....9

9.....كث الحياة

28.....الطينين

34.....يجيك وقت

37.....المشكلة فيا

40.....كان أولى يكون اسمه الغابة

46.....أبوا العزيز

49.....بحبه يجد

52.....الجميلة والوحش

القسم الثاني.....00

57.....La vie en rose

63.....على باب مطار القاهرة (3)

63....." ذهاب وعودة "

70.....الدنيا مش هي

77.....بكلم ربنا عنك

81	5- شارع زهرة البستان.....
81	«الحكاية الأولى».....
88	صاحبة العمر.....
93	القسم الثالث.....
93	قصر الكلام.....
131	القسم الرابع.....
133	هنا القاهرة.....
133	الفصل الأول.....
133	«كانت بلاد مفيهاش شجر».....
138	حياة الناس.....
143	التكرتك وابتسمت.....
148	جواب فرحة.....
151	الحرب خلصت.....
154	يارب ابعثلنا علامة.....
157	31 ديسمبر.....

إهداء لكل الهريانيين
بالوحدة والنوم والغياب.
إهداء لمريض الاكتئاب
ولكل واحد عنده قويا من البشر
ولكل واحد عنده أعراض انسحاب
علي فكرة عادي متقلقوش
الوحدة ممكن تبقى باب.

إهداء لكل اللي اتعمل
ولكل إحساس بالأمل
ولكل يُكره هيبقى أحلى من اللي فات.
ولذاكريات،
ولعمر عدّي بدون ما روحك بيه تجس.
ومشيت طريق
ورجعت منه وحيد وتّس.
أول طريق الدنيا هتعيش وحدتك
آخر طريق الوحدة دائماً
فيه وتّس.

محمد إبراهيم

كاتب وشاعر مصري.. من مواليد المحلة الكبرى..
تخرج في كلية التجارة شعبة اللغة الإنجليزية. صدر له
أربعة دواوين شعر بالعامية المصرية وهم "فلوماستر
أبيض" عام 2014 و "الحزن البعيد الهادي" عام
2015 و "زي الأقلام" في 2016 و "لما كنا" عام 2017.. كما
صدر له كتاب "مطلوب حبیب" وهو من أدب
الاعترافات في عام 2016.



تصميم الغلاف كريم آدم

ISBN 978-977-809-112-3



9 789778 061123 >

